



Broj: 06-1-07-2-1444-14/18
Sarajevo, 15.01.2019. godine

Na osnovu člana 116. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), a u vezi člana 2.9 stav (1) tačka 4. i 17, člana 3.9 stav (1), (2) i (3) i člana 14.3 stav (5) a u vezi člana 3.15 Izbornog zakona Bosne i Hercegovine („Službeni glasnik BiH“ br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) i člana 2. stav (4) Uputstva o rokovima izbornih aktivnosti za održavanje prijevremenih izbora za gradonačelnike Grada Doboj i Grada Trebinje i načelnike općina Bosansko Grahovo, Bosanski Petrovac, Bužim, Domaljevac-Šamac, Drvar, Kakanj i Ribnik («Službeni glasnik BiH», br. 88/18), odlučujući po podnesku Snežane Glogovac iz Konjica, Centralna izborna komisija Bosne i Hercegovine je na 6. sjednici, održanoj dana 15.01.2019. godine, d o n i j e l a

ZAKLJUČAK

Podnesak se odbacuje.

Obrazloženje

Centralna izborna komisija Bosne i Hercegovine je u skladu sa članom 2. stav (4) Uputstva o rokovima izbornih aktivnosti za održavanje prijevremenih izbora za gradonačelnike Grada Doboj i Grada Trebinje i načelnike općina Bosansko Grahovo, Bosanski Petrovac, Bužim, Domaljevac-Šamac, Drvar, Kakanj i Ribnik odredila rok do 30.12.2018. godine u 24.00 sata za prijem prijava za upis birača u izvod iz Centralnog biračkog spiska za glasanje van Bosne i Hercegovine za prijevremene izbore za gradonačelnike i načelnike općina.

Odredbom člana 3.15 stav (6) Izbornog zakona Bosne i Hercegovine je propisano da ako ispuni propisane uslove iz stava (1), (2) i (3) ovog člana, podnosilac prijave nalazit će se u izvodu iz Centralnog biračkog spiska za glasanje van Bosne i Hercegovine.

Snežana Glogovac podnijela je prijavu za glasanje putem pošte na prijevremenim izborima za gradonačelnika Grada Tebinje, koji će se održati dana 17.02.2019. godine.

Shodno navedenim zakonskim odredbama i članu 3.9 stav (1), (2) i (3) Izbornog zakona Bosne i Hercegovine, Centralna izborna komisija Bosne i Hercegovine je u postupku provjere dokaza priloženih uz prijavu i u službenoj evidenciji utvrdila da imenovana ima prebivalište u Općini Konjic.

Odredbom člana 3.9 stav (1) Izbornog zakona BiH je utvrđeno da državljanin Bosne i Hercegovine koji ima biračko pravo upisuje se u Centralni birački spisak za osnovnu izbornu jedinicu gdje ima prijavljeno prebivalište u Bosni i Hercegovini, osim ako ovim Zakonom nije drugačije određeno, a u stavu (2) da državljanin Bosne i Hercegovine koji ima biračko pravo u skladu s ovim Zakonom i privremeno živi u inostranstvo upisuje se u Centralni birački spisak za osnovnu izbornu jedinicu gdje je imao prijavljeno prebivalište u Bosni i Hercegovini prije odlaska u inostranstvo i u stavu (3) da državljanin Bosne i Hercegovine koji ima biračko pravo u skladu s ovim Zakonom i koji ima status izbjeglog lica iz BiH upisuje se u Centralni birački spisak za osnovnu izbornu jedinicu u kojoj je imao prebivalište u skladu sa odredbama člana 20.8 ovog Zakona.

Centralna izborna komisija Bosne i Hercegovine je po navedenom podnesku odlučila kao u dispozitivu ovog zaključka s obzirom da po važećim propisima nema uvjeta za pokretanje postupka, kako je to definisano članom 116. stav (2) Zakona o upravnom postupku.

Na osnovu utvrđenih činjenica i citiranih zakonskih odredbi podnesak Snežane Glogovac iz Konjica, u skladu odredbe člana 116. stav (2) Zakona o upravnom postupku i člana člana 3.9 stav (1), (2) i (3) Izbornog zakona BiH valjalo je odbaciti.

Pravna pouka:

Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objave ove odluke na web stranici Centralne izborne komisije Bosne i Hercegovine www.izbori.ba. (krajnji rok do 17.01.2019. godine u 24.00 sata).

Žalba se podnosi preko Centralne izborne komisije Bosne i Hercegovine i dostavlja se putem faks aparata na broj +387 33 251 329, emaila prijavapp@izbori.ba ili lično u sjedište Centralne izborne komisije Bosne i Hercegovine, Ulica Danijela Ozme broj 7, 71000 Sarajevo.

Predsjednik
Branko Petrić

The image shows a circular official seal of the Central Electoral Commission of Bosnia and Herzegovina. The seal contains the text 'BOSNA I HERCEGOVINA' at the top, 'CENTRALNA IZBORNA KOMISIJA' in the middle, and 'BOSNIA AND HERZEGOVINA' at the bottom. In the center of the seal is a map of Bosnia and Herzegovina. Overlaid on the seal is a handwritten signature in black ink, which appears to be 'Branko Petrić'. Above the signature, the name 'Branko Petrić' is printed in a standard font. Above the printed name, the title 'Predsjednik' is also printed.